

Ота-она дунёда икки марта такрорланмайди



17:00 / 20.01.2021 2980

Аллоҳ таоло Қуръони Каримда шундай деб марҳамат қилган

كَذٰلِكَ دَعٰ نَعْلَمَ رَبِّيْ اُمًّا اِنْ اَسْحٰ اِنْ يَدِلْ اَوْلَادًا وَّوَهَّ اِيَّا اِلٰ اِوْدُبَّ عَتَّ اِلَّا اَكْبَرَ اِيَّ صَوَّ قَوَّ
اَلْوَقَّ اُمُّهٗ لُ قَوَّ اُمُّهٗ رَهْنَتَ اَلْوَقِّ فَا اُمُّهٗ لُ قَتَ اَلْفَ اُمُّهٗ اَلْكَ وَا اُمُّهٗ دَحَّ اَرَبِّ كَلِّ ا
يَنَّا يَبَّرَ اَمَّكْ اُمُّهٗمَّ خَرَّ اَبَّرَ لُ قَوَّهٗ مَحَّرَّ لَ اِنَّمَّ لُ ذَلَّ اِحَّ اَنَجَّ اُمُّهٗ لُ صَفَّ اَوَّ اَمَّ يَرَ ك
اَرِيَّ غَّ ص

«Роббинг фақат Унинг Ўзигагина ибодат қилишингни ва ота-онага яхшилик қилишингни амр этди. Агар ҳузурингда уларнинг бирлари ёки икковлари ҳам кексаликка етсалар, бас, уларга «уфф» дема, уларга озор берма ва уларга яхши сўз айт! Икковларига меҳрибонлик ила хокисорлик қанотингни паслат ва «Роббим, алар мени кичикликда тарбия қилганларидек, уларга раҳм қилгин», деб айт». (Исро сураси, 23-24 оятлар)

Аллоҳ таолонинг раҳмати туфайли кўзларингни очган лаҳзангдан бошлаб сени яхши кўрадиган инсон — онангдир.

Аллоҳ таолонинг мадади билан муҳаббатини кўзларида зоҳир қилмай сени яхши кўрадиган инсон — отангдир. (сен эса унга зулм қиласан)

Аллоҳ таолонинг раҳмати сабабли онанг сени дунёга келтирган.

Аллоҳ таолонинг мадади билан отанг сенга дунёни тортиқ қилишга уринади. (агар уларни рози қилмасанг, бадбахт бўласан).

Аллоҳ таолонинг фазли билан онанг сенинг ҳаётга келишингга сабаб бўлди.

Аллоҳ таолонинг фазли билан отанг сенга ҳаётда қандай яшашни ўргатади. (ўргатмаса, қийналишинг эҳтимоли бор)

Аллоҳ таолонинг мадади билан онанг сени 9 ой қорнида кўтариб юради.

Аллоҳ таолонинг мадади билан отанг сени умр бўйи кўтариб юради. (сен буни сезмайсан ҳам)

Аллоҳ таолонинг ёрдами билан онанг сени дунёга келтиради. Ана шунда қичқиради. Сен буни эшитмайсан.

Аллоҳ таолонинг ёрдами билан отанг сени тарбия қилиш, ёмонликдан қайтариш учун кўп йиллар қичқиради. (сен эса ундан шикоят қиласан)

Аллоҳ таоло берган меҳр сабабли онанг сен касал бўлиб қолсанг, йиғлайди.

Аллоҳ таоло берган меҳр сабабли отанг сен йиғласанг, касал бўлиб қолади.

Аллоҳ таолонинг раҳмати туфайли онанг сенинг оч эмаслигингга ишонади.

Аллоҳ таолонинг раҳмати туфайли отанг сенинг оч эмаслигингни билади. (сен буни англаб етмайсан ҳам)

Аллоҳ таолонинг марҳамати сабабли онанг сени бағрида кўтариб юради.

Аллоҳ таолонинг марҳамати сабабли отанг сени орқасида кўтариб юради.
(буни билмайсан)

Аллоҳ таолонинг лутфи сабабли онанг меҳр-шафқат булоғидир.

Аллоҳ таолонинг лутфи сабабли отанг ҳикмат булоғидир. (сен эса унинг қаттиққўллигидан хафа бўласан)

Аллоҳ таолонинг фазли сабабли онанг сен учун масъулиятни кўтариб юради.

Аллоҳ таолонинг фазли сабабли отанг сенга масъулиятли бўлишни ўргатади. (сен эса отам фалон ишни менга юклади деб ўйлайсан)

Аллоҳ таолонинг мадади билан онанг сени йиқилишдан эҳтиёт қилади.

Аллоҳ таолонинг мадади билан отанг сенга йиқилганингдан кейин туришни ўргатади.

Аллоҳ таолонинг фазли билан онанг сенга оёқда юришни ўргатади.

Аллоҳ таолонинг фазли билан отанг сенга ҳаёт машаққатларида қандай юришни ўргатади.

Аллоҳ таолонинг лутфи сабабли онангни шафқатли, чиройли аёл деб биласан.

Аллоҳ таолонинг лутфи сабабли отангни жиддий, меҳрли инсон деб биласан.

Аллоҳ таолонинг марҳамати сабабли онангнинг муҳаббатини
туғилганингдан бошлаб ҳис этасан.

Аллоҳ таолонинг марҳамати сабабли отангнинг муҳаббатини бироз катта
бўлганингда ҳис этасан.

Ота-онанинг қадри пул билан ўлчанмайди.

Ота-она дунёда икки марта такрорланмайди.

Нозимжон Ҳошимжон тайёрлади